

Ngaju - Bahalap-Papa Tirok-atei Surat Barasih - Good-Bad Mind Scriptures

Bahalap Tirok-atei Surat Barasih - Good Mind Scriptures

Markus 5:15 Ewen dumah manalih Yesus, palus mite olah je jari iname awi roh papa te nah, metohe mondok hete. Ie jari hapakaian, tuntang tirok itonge kea jari barendeng. Maka ewen samandiai manjadi mikeh.

Lukas 8:35 Palus kare olah balua mite kare taloh je manjadi. Ewen dumah manalih Yesus, tuntang intu hete ewen te sondau olah je jari lapas bara kare roh papa te metohe mondok tokep pain Yesus. Ie jari hapakaian tuntang tiroke jari barendeng. Ewen palus mikeh.

Gawin Rasul 17:11 Kare olah hong Berea labih murah harati bara kare olah hong Tesalonika. Dengan kahanjak atei ewen mahining barita tahu Yesus, tuntang genep andau ewen mariksa Surat Barasih uka mangatawan en auh ajar Paulus te toto bujur.

Gawin Rasul 20:19 Dengan karandah atei tuntang hapan kare danum mata aku bagawi akan Tuhan hong marak kare kapehe je buah aku awi rencana papa ain are olah Yehudi.

Roma 7:24/25 Nah, ampin arepku toh iete kalotoh: aku baketep mamenda hukum Hatalla mahapan tirok ateiku, tapi hapan sipat kaolon ayungku aku manyarah dengan dosa. Lalehan kacalakae aku toh! Eweh handak manyalamat aku bara bitingku toh je mimbit aku akan pampatei? Tarima kasih akan Hatalla! Ie handak manyalamat aku mahalau Yesus Kristus.

Roma 8:6 Amon tirok keton inguasa awi sipat olon, maka kajariae keton buah pampatei. Tapi amon tirok keton inguasa awi Roh Hatalla, maka kajariae keton belom tuntang hakabuah dengan Hatalla.

Roma 8:27 Maka Hatalla je mangatawan taloh je huang atei olon, mangasene kahandak Roh te; basa Roh te balaku dengan Hatalla akan ungkup Hatalla, tuntang hasaroroi dengan kahandak Hatalla.

Roma 11:34 Huang Surat Barasih tarasurat kalotoh, "Eweh je mangatawan tirok-atei Tuhan? Eweh je tau manenga nasehat akae?

Roma 12:2 Ela manumon ampin kare hadat olah kalunen toh. Keleh Hatalla manguan keton manjadi olah taheta, mangat keton hobah. Awi kalote keton olih mangatawan kahandak Hatalla -- iete taloh je bahalap tuntang je manyanang ateie tuntang je tinduh-barasih.

Roma 12:16 Keleh belom rukun sama arep keton. Ela mamparahan ampin kagantong atei, tapi manyama arep keton dengan olah je randah pondoke.

Ela maanggap arep labih pintar bara je kapunae.

Roma 14:5 Aton olah je mangkeme andau ije labih mambatang bara kare andau je beken, tapi olah beken tinai mangkeme kare-kare andau te sama ih. Jadi, keleh genep bitin olah manukas akan arepe kabuat.

Roma 15:6 Huang kahinjen atei pahari handiai tau haya-hayak manarima Hatalla, Bapa Tuhan itah Yesus Kristus.

1 Korintus 1:10 Pahari handiai! Huang aran Tuhan itah Yesus Kristus, aku balaku uka keton handiai pakat ije atei; uka ela aton kapusit hong marak keton. Keleh keton hinje bulat, hinje tirok atei.

1 Korintus 2:16 Huang Surat Barasih tarasurat, "Eweh je katawan tirok Tuhan? Tuntang eweh je tau manasehat ie?" Itah toh ih je tempon tirok-atei je sama dengan Kristus!

2 Korintus 7:7 Atei ikei iampong dia baya awi Titus dumah, tapi awi ie kea mansanan kilen ampie atei ayue iampong awi keton. Ie mansanan akan ikei je keton taharu toto nahuang hasondau dengangku; je keton manyasal tagal gawin keton bihin tuntang toh pahias mambela aku. Hal te mawi aku labih hanjak hindai.

2 Korintus 8:12 Amon keton rajin manenga, maka Hatalla kareh manarima panengan keton te hagalang taloh je aton intu keton, dia ie hagalang taloh je jaton intu keton. (1 Chronicles 28:9)

2 Korintus 9:2 Aku katawan keton rajin mandohop, tuntang aku jari mansanan angat kahanjakku tahuu keton akan kare olah hong Makedonia. Aku mansanan akan ewen iete, bara nyelo male kare pahari hong Akhaya jari tatap manenga sumbangan. Tuntang karajin keton jari mangalasut kea angat karajin tapaare bara kare bitin ewen.

2 Korintus 13:11 Kajariae, pahari handiai, keleh keton hanjak, tuntang keleh manggau jalan uka manjadi tinduh-barasih. Tarima kare auh nasehatku. Keleh keton hinje atei tuntang belom hakabuah dengan sama arep. Hatalla je tempon sinta tuntang damai te mampahayak keton samandiai.

Epesus 4:23 Keleh atei tuntang tirok keton inaheta lepa-lepah.

Filippi 2:2-5 Nah, coba keton buju-bujur manyanang ateiku hapan kare hal toh: keleh belom hinje huang sinta je sama, hapan tirok je sama tuntang tintun kahandak je sama. 3 Ela malalus taloh en-en akan kapentingan arep kabuat, atawa handak mampatamam arep. Tapi keleh keton genep biti dengan randah atei maanggap olah beken labih bahalap bara arep kabuat.

4 Keleh manantuani kapentingan olah beken; ela baya kapentingan arep kabuat. 5 Keleh atei keton sama kilau Yesus Kristus:

Filippi 4:2 Pahari Ewudia tuntang pahari Sintike! Aku balaku nyame-nyame uka pahari hinje bulat atei kilau olah je sama kapercayae.

Filippi 4:7 Maka kasanang bara Hatalla je manangkalau batas kaharatin itah, akan manjaga atei tuntang tirok keton je jari hinje dengan Kristus Yesus. (Isaia 26:3)

Kolose 3:12 Pahari handiai, keton toh ungkup ain Hatalla. Hatalla masi keton tuntang mintih keton uka manjadi olah jalahan ayue. Jete bukue keton musti mamparahan sinta tuntang asi, keton musti bahalap atei, randah atei, balemo-luwah, tuntang tahan manyarenan kapehe.

2 Tesalonika 2:2 Ela murah bingung atawa gogop tagal barita tahuu andau Tuhan Yesus dumah haluli jari sampai. Mungkin barita te asale bara ije tujuum, atawa bara auh ajar olah; atawa tau kea aton olah je hamauh je ikei puji manyurat kilau te hong ije bara kare surat ikei.

2 Timoteus 1:7 Basa Roh je inenga Hatalla akan itah, dia ie Roh je mampikeh itah. Tapi Roh Hatalla te manjadian itah mangat abas, kontep asi tuntang olah manyarenan arep.

Titus 2:6 Kalote kea, keleh ikau manasehat kare olah tabela mangat ewen manjadi pintar-harati.

Ibrani 8:10 Tapi toh, jetoh ie janji je handak iawiku dengan utus Israel hong kare andau je akan dumah rahian, koan Tuhan: aku handak mingkes parentahku intu huang tirok ewen, tuntang manyurat jete huang atei ewen. Aku handak manjadi Hatallan ewen, tuntang ewen kareh manjadi ungkup ayungku.

1 Petrus 1:13 Tagal te, keleh keton tatap sadia. Keleh barendeng tuntang keleh lepa-lepah kaharap dengan berkat je handak inenga akan keton hong katika Yesus Kristus dumah kareh.

1 Petrus 5:2 Aku balaku nyame-nyame uka keton manyakatik kawan tabiri je inyarah Hatalla akan keton. Keleh manyakatik ewen dengan sanang atei sama kilau je ingahandak awi Hatalla, tuntang ela mahapan kabehat atei. Ela kea malalus gawin keton hapan manggau ontong, malengkan awi keton toto-toto handak mahaga.

2 Petrus 3:1 Paharingku samandiae je inyinta! Jetoh surat ayungku je kaduee akan keton. Intu huang kadadue surat toh, aku manggau jalan mambelom kare tirok je barasih intu keton.

Yakobus 1:17 Gagenep panenga je bahalap tuntang berkat je tinduh-barasih jete dumah bara sorga, impamohon awi Hatalla, je manjapa salepah kalawa intu langit. Iete Hatalla je dia hobah, tuntang dia kea mampalembut kakaput en bewei. (Yob 23:13)

Pangarinah 17:9 Hong hal toh olah perlu aton kaharati tuntang pangatawan. Uju takolok te iete uju bukit; iete kare bukit eka olah bawi te mondok.

Papa Tirok-atei Surat Barasih - Bad Mind Scriptures

Markus 7:21 Basa bara huang, iete bara huang atei, lembut kare tirok papa je mawi sabab oloh malalus je harayap, manakau, mamuno, (Hiskiel 38:10)

Lukas 12:29 Jadi ela mikeh tuntang bembang tahuu taloh je akan indu kinan tuntang je akan ihop keton.

Gawin Rasul 12:20 Herodes balait toto dengan kare oloh Tirus tuntang Sidon. Tagal te ewen haya-hayak manalih manaharep ie. Sola-solake ewen mangatau Blastus, je mangapala istana Herodes, sampai ie ombo mamihak ewen. Limbah ewen haguet manaharep Herodes, palus balaku badamai, basa lewun ewen te bahapang dengan panginan bara lewun Herodes.

Gawin Rasul 14:2 Tapi kare oloh Yehudi je dia maku percaya, mampangaruh kare oloh je dia Yehudi, sampai mawi ewen manyingi kare oloh je percaya dengan Yesus.

Roma 1:28 Awi olon mangkeme dia perlu mangasene Hatalla, maka Hatalla manalua tirok ewen manjadi rusak, sampai ewen malalus kare taloh je dia tau ewen malaluse.

Roma 8:6,7 Amon tirok keton inguasa awi sipat olon, maka kajariae keton buah pampatei. Tapi amon tirok keton inguasa awi Roh Hatalla, maka kajariae keton belom tuntang hakabuah dengan Hatalla. 7 Oloh je tiroke inguasa awi sipat kaolon, oloh te hamusoh dengan Hatalla; basa oloh te dia tunduk dengan hukum Hatalla; tuntang puna ie dia tau tunduk dengan hukum Hatalla.

Roma 11:20 Jete puna toto. Tapi ewen inganan awi ewen dia percaya, tapi pahari inarima awi pahari percaya. Jadi tagal jete ela pahari manjadi gantong atei: tapi keleh pahari mangkeme mikeh haream.

2 Korintus 10:5 ikei manangkis kare perdebatan oloh tuntang mampalongkang kare kota kasombong je imangun hapan malawan pangatawan tahuu Hatalla. Ikei manawan kare tirok oloh tuntang mawi ewen marup mamenda Kristus.

2 Korintus 11:3 Tapi aku mikeh tirok keton inggoda mangat dia baketep tinai dengan Kristus, sama kilau Hawa bihin kea inggoda awi kapintar handipe te.

Epesus 2:3 Bihin itah samandiae kea sama kilau ewen; itah belom manumon hadat itah olon, tuntang malalus taloh je manyanang biti tuntang tirok itah. Hong katika te itah toh oloh je buah kalait Hatalla kea, sama kilau

oloh beken.

Epesus 4:17 Awi te tagal aran Tuhan, jetoh taloh je handak insanangku tuntang katukas auhku: ela hindai belom sama kilau olah je dia mangasene Hatalla, tuntang manirok taloh je mia-mias.

Kolose 1:21 Bihin keton kejau bara Hatalla. Keton manyingi ie hapan ampin lagon pambelom keton tuntang tirok keton je papa. (Paribasa 21:27; Hiskiel 23:17)

Kolose 2:18 Ela keton manalua arep keton imparugi awi olah je pura-pura mamparandah arepe tuntang je manyembah kare malekat. Oloh te balecak awi kare tirok je mangalunen tuntang mampatamam kare taloh tampayahe je basilim,

1 Tesalonika 5:14 Ikei balaku kea, pahari handiai, tingak bua-buah olah je dia maku bagawi; keleh mandehen atei olah je mikeh; dohop olah je perlu indohop tuntang keleh sabar taharep olah samandiai.

2 Tesalonika 2:2 Ela murah bingung atawa gogop tagal barita tahuu andau Tuhan Yesus dumah haluli jari sampai. Mungkin barita te asale bara ije tujum, atawa bara auh ajar olah; atawa tau kea aton olah je hamauh je ikei puji manyurat kilau te hong ije bara kare surat ikei.

1 Timoteus 6:5 tuntang kalahi je jaton katawan tikase. Jalan tirok kare olah te jari patep tuntang dia bujur hindai. Ewen manyangka ewen tau menjadi olah tatau bara agama.

2 Timoteus 3:8 Sama kilau Yanes tuntang Yamres horan je malawan Moses, kalote kea kare olah te malawan auh ajar ain Hatalla. Tirok ewen jari rusak, tuntang kapercayan ewen jari sangkarah.

Titus 1:15 Kare taloh handiai te uras barasih akan olah je barasih. Tapi akan kare olah je tiroke papa tuntang dia percaya, jaton aton taloh je barasih, awi tirok-pikir tuntang atei-huang ewen jari papa!

Ibrani 12:3 Coba itah maniroke kilen ampie kapehen Yesus manaharep kare olah badosa je kalote kapahame malawan ie! Awi te ela ih korik atei tuntang bageto kaharap.

Yakobus 1:7/8 Oloh je kilau te dia tetep tiroke; ie dia tau manduan kaputusan hong kare taloh je iawie. Tagal te, dia usah kea ie maharap uka mandino taloh en-en bara Tuhan.